



**Kristu a resusitá!
Berdaderamente El a resusitá!**

Rumannan,

Ku e saludo aki, kristiannan di tur tempu di Oriente i Oksidente, ta kumindá otro durante e temporada di Pasku di Resurekshon i ta pidi pa pas di Kristu reina den kada persona, den kada famia i ambiente.

Na nomber di Obispado mi ta deseá pa Señor Hesus, Rei di pas i stimashon, por move kurason di e mandatarionan di tur nashon di mundu pa duna pas un chens (*give peace a chance*)!

Den e anochi di su Resurekshon, Hesus a aparesé na su disipelnan i a deseá: “Pas sea ku boso!” (*Hn 20,19*) i El a ripití un biaha mas: “Pas sea ku boso!” Esaki ta e promé saludo di Hesus resusitá ku ta mustra klaramente e regalo ku Hesus ta ofresé humanidat ku su Resurekshon!

Nos tin mester di ripití e saludo aki hopi biaha pero no ku palabra so, sino di kurason i kompañá ku nos obranan, pasobra nos ta asistí den e último tempunan aki na un eskalada di violencia di tur genero.

Rumannan, mientras mi ta deseá boso un Felis Pasku di Resurekshon, mi ta invitá boso pa bira “instrumento di pas” den kada ambiente kaminda nos ta biba i move.

Laga nos uni den orashon durante e temporada di Pasku, pa misericordia i pordon triunfá riba mensa di guera i destrukshon ku humanidat ta pasando den e momentunan aki.

Un felis temporada di Pasku di Resurekshon!

Boso sirbidó den Hesus i Maria,

**+ Luis A. Secco, SDB
Obispo di Willemstad**